

普
究
直
隸
廳
志

普安直隸廳志卷之二

地理志

輿圖

建置

疆域

附插花形勝

山水

附橋梁

風俗

苗蠻

謂方

古蹟

易曰仰以觀乎天文俯以察乎地理古帝王所爲畫井分疆平道治梁度地以居民設險以守國置郵以傳命省方以觀風者胥於是乎在地理顧不重哉廳古爲南徼外蠻夷地圖不登於王會土不隸於職方名山大川均屈辱於蠻煙瘴雨之中而莫由自見而人才無論矣自常頰略通五尺道唐蒙風諭夜郎侯

始稍睹漢官威儀歷代屢費經營大都姑與羈縻盛
則附衰則去畔服無常屢勞南顧明置衛置府置州
土流並治主強客弱動啟猜疑姑息養癰四野瘡痍
劫殺之禍無代無之則措置之未善也

國家兩戡西南

德威遐震省衛入州則事權一升州爲廳則體制崇開白
沙上寨新驛路則聲息靈割馬乃三營隸普安縣裁
黃草壩州判設興義縣則臨御周所以爲地方計者
至深且遠

聖謨洋洋遠軼前王矣今者疆宇無驚山川效靈關津安
謐冠蓋縱橫村落相望俗美風清漢叟夷童相與耕
鑿於其間欣欣然忘

帝力於何有唐虞景象宛然在目矣盛矣哉作地理志

三
八
二

地

壤

圖



威甯黃水河

北

通毛口新路

南俄

通盤江老路

通府城大路

西

毛政

黃龍

長江

阿普

北里

劉官

廳城

泥河

上寨

溪

板橋

南星河

五相

盤江

泥

魯土

東

平舞縣境菜河



平舞縣境菜河
南

龍天嶺

平舞縣

亦賓孔

西堡河

木龍河

民樂

里南

木龍河

順歸

順歸

刺連河

響水

湯障

天生橋

木龍寨

毛鵝寨

響水

大町

頂放

古厚

品

通馬別河


堡

頂放

水

祭

圖



西

政毛

河龍黃出

江長老

陌普

河山枝

官劉

里北

河場猪

河泥淤

威甯黃水河

廳城

箕箕

北

寨上

通毛口新路

橋板

通省盤江老路

河蟻媽

河星南

蓮花山

政插

棚五

河溪深

南俄

泥堡

土魯

通府城大路

通馬別河

東

平糶縣境某河

滇南勝境

河所蘭猗

上沙陀

龍天



平讓

亦省孔

分水嶺

河堡西

小分水
三道河

民樂

洞雲碧

河洞界水

平糶縣境某河

湯障

曾番

冲南

里南

龍大

順歸

橋生天

水响

河神達

河廠銅

底萬三

寨毛鵝

場狗

品塾

章古

寨劉李


町大

通縣大路

放頂



麗城圖




西門

書院

男廳

文廟

武廟



東城隍廟

照廳署

遊擊署

武漢研

南台

南門

三
厨
三

六
一
一

六




五
四
三

齊

陽

圖

州學署



濟聖宮


大成殿

戟門

泮池

義路

禮門



古今圖書集成


卷之一

風

知

齋


圖



房上

倉

門頭



房上

堂二

堂大

門儀

五
月
示

卷
六

十

普安直隸廳志卷之二

地理

建置

普安於古無考

後漢書有槃瓠之說人因以貴州爲古槃瓠國沈思克貴州通志沿革解

以爲虞舜之三苗國近代永甯州紅巖碑出人以爲卽殷宗所代之鬼方國皆意爲附會管子小匡篇之牂柯國則後人僞撰非原書也 戰國時楚頃襄王遣使莊躄率師

溯沅江軍至且蘭楸船於岸而步戰遂克且蘭進降夜郎以滇兵威定滇池躡自巫黔中略地而西必取徑盤江此爲廳境見師旅之始秦常頰略通五尺道

諸此國頗置吏諸此國夜郎諸國也史記言夜郎國
在牂牁江上江廣百餘步足以行船當在今興義府
貞豐州左右漢興夜郎侯恃其險遠且倚南粵閉關
不賓武帝初唐蒙上書請開南夷收取牂牁精兵浮
江下番禺爲制粵竒策亦確策也帝因命蒙略通南
夷道蒙進說夜郎侯多同厚賜金帛以多同子爲令
使得比於漢縣以寵之旁小邑亦貪漢繒帛聽約束
而南夷由是開矣元鼎五年帝伐南越命伏波將軍
路博德樓船將軍楊僕等分道進師而別遣馳義侯

遺發牂牁兵浮江下如蒙策且蘭國恐遠行旁國虜
共老弱乃反殺使者漢遣嘗擊南越之八校尉將巴
蜀罪人擊破之會南粵已平馳義侯兵未及下即引

還平南夷遂開牂牁郡置縣十七其十二爲漏江即

今廳境也

十七縣故且蘭鐔封鬻漏卧平夷同竝談
指宛温毋歛夜郎毋單漏江西隨都夢談

橐進桑
句町

夜郎侯乃入朝元封二年復發巴蜀兵平西

南夷未服者以爲益州郡置縣廿四

滇池雙柏同勞
銅瀨連然俞元

收靡穀昌秦臧邪龍味昆澤葉榆律高不韋雲
南嵩唐弄棟比蘇賁古毋掇勝休建伶來唯

華陽

國志謂分牂牁置益州郡此殆不然牂牁郡縣開於

前二年蓋置於南夷已服諸侯王國之地益州郡縣則就新平西南夷諸侯王國地與牂牁無涉且益州領縣多於牂牁何緣復分牂牁地意不過取牂牁西境之斗入益州者割歸益州以正疆界非分牂牁數縣地漏江諸縣固無改易也建安廿年蜀先主以犍爲屬國置朱提郡後主建興三年諸葛武侯平南中改益州郡爲建甯郡分建甯永昌爲雲南郡分建甯牂牁爲興古郡洪亮吉補三國疆域各郡所領縣無漏江蓋廢之矣方輿紀要通志識略興義志舊志皆

以廳境爲蜀漢興古郡地想當然歟華陽國志晉建甯郡下有漏江縣則武帝間復立非漢之舊也嗣後偏安江表夜郎西北疊遭敵寇旋復旋陷盤以南無安宅焉諸郡縣分析離合棼如亂絲漏江之得失年月及析置與否史無明文蓋不可得而詳矣隋高祖

統一海宇置牂州煬帝改爲牂牁郡唐武德二年烏蠻內附遙置西平州以羈縻之貞觀八年改盤州以盤江爲名領附唐平彝盤水三縣而遙統於戎州都督府附唐爲今興義縣地平彝爲今雲南平彝縣及

平彝所地盤水在城東盤江上牂州盤州則今廳地也初廳境爲爨蠻所據隋開皇而降漸衰弱烏蠻乃起而奪之天寶中號于矢部其後爨酋阿宋逐諸部而據其地改號齊彌部尋復爲于矢部當元宗時南詔強盛役屬烏蠻而廳境遂世爲南詔東鄙王孟繼盜川中馬氏竊據湖南溱播夷費諸州之在盤江東北者時楚時蜀視其強者而歸之而廳境屬大理如故宋乾德三年平蜀藝祖以玉斧畫大渡河爲界此外皆捐之夷狄蒙段楊三百年之僭基於片言盤以

南無過而問者錦叙古播諸州相率內附而廳境屬
大理如故寶祐中元憲宗進規東南繞道由西番入
滅大理連破諸夷部兵不留行招降于矢部置于矢
萬戶府元世祖至元十三年改普安路總管府領和

龍八納習舊普安四部

興義府志謂普安部當今府親轄地及普安安南興義三

縣不知所本

十四年升普安總管府爲普安招討使司建

重鎮於廳境所以立傾宋之基也十六年宋亡隨改
爲宣撫使司後復爲普安路隸雲南行省明洪武十
四年傅友德克普安路十五年置普安衛領申左中

右樂民平彝四千戶所及安南安籠二守禦千戶所

屬雲南都司又改善安路爲普安府十六年元普安

路土酋那邦妻女總管適恭納款置普山府授適恭

爲土知府而升普安府爲普安軍民府土流二知府

與衛同地分治焉適恭死子普旦襲廿一年越州土

酋阿資反率眾寇普安燒府治大肆剽掠普旦叛應

之廿二年傅友德擊走阿資旦詣軍門降遂廢普山

府升普安衛爲軍民指揮使司隸雲南都司尋改隸

貴州都司建文中置貢甯安撫司授土酋者昌隸普

安軍民指揮使司後廢太宗渡江者昌子慈長上書
請襲永樂元年正月設普安安撫司授慈長屬四川
布政司設流官吏目一員屬普安衛十三年慈長謀
不軌布政司孟驥擒之逮京死遂廢普安安撫司改

爲普安州設流官知州降土酋爲土判官州領九里

十二營

明制以九里處漢人
以十二營處夷人

俄復廢普安府

明史謂
普安軍

民府永
樂後廢

萬曆十四年徙普安州與普安衛同城而治

三十年升安順州爲府以普安州普安衛及安南衛

屬焉

國初順治十八年馬乃營土目龍吉兆遙結明將李定

國與鼠場營營長龍吉佐樓下營營長龍吉祥同反

總督趙廷臣討平之乃析州之馬乃鼠場樓下三營

三里置普安縣並割安南衛阿計安逸二營與仁興

讓二里以益之康熙廿六年裁普安衛併入普安州

雍正五年升南籠廳爲南籠府即今興義府以普安州及

普安縣安南縣並新設之永豐州即今貞豐州改隸南籠

府增設普安州判於黃草壩先是雍正二年普安州

之捧鮮土目阿九與廣西西隆州土目王尚義爭至

染烏舍諸寨相仇殺

至染諸寨時爲普安州地今爲興義縣地

時普安州

之捧鮮及南籠府之南境與廣西之泗城西隆地犬

牙相錯

今之貞豐州時爲泗城西隆地

泗城土府延袤千里多爭界

仇殺事土知府岑映宸淫虐且爲逋逃藪患最深五年總督鄂爾泰

奏請討岑映宸取其地改土歸流

世宗憲皇帝命爾泰與李紱韓良輔會議爾泰等會於南籠適普安州之者坎泗城之者相皆有土目爭地事六月映宸率眾三千至者相將攻者坎聞爾泰在南

籠懼不敢動爾泰正告以將用兵映宸恐乞改流存
祀乃褫職安置浙江七月爾泰等合疏以紅水一江

天限黔粵請畫紅水江爲界永杜爭端割泗城西隆
江以北地設永豐州升南籠廳爲府領普安永豐二
州普安安南二縣江之南爲粵之泗城西隆地江之
北爲黔之普安州及南籠府永豐州地設普安州州
判於黃草壩從之嘉慶二年平定仲苗裁普安州判
設興義縣治黃草壩撥州屬捧鮮布雄黃坪三營中
左中右二里及興義府之花閣五屯歸興義縣改普

普安直隸廳志卷之二

地理

疆域

四至東至興義縣界一百七十里西至雲南霑益州
界八十六里南至雲南羅平州界九十里北至郎岱
廳界一百四十里四隅東南至興義縣必聰梁子界
一百三十里西南至雲南平彝縣滇南勝境界一百
一十里東北至普安縣觀音洞界六十四里西北至
雲南霑益州姬家營界九十里三距距貴西道五百

九十里距省五百九十里距京師八千三百里幅員
東西廣二百六十里南北袤二百四十里周圍約六
百里

廳屬四至其東南兩面有毗聯興義縣境者有毗聯
普安安南永甯各州縣境者有交錯於興義府屬親
轄地方者其西北兩面有與雲南曲靖府之平彝霑
益宣威各州縣接壤者在興義一府有輔車唇齒之
依而在黔省尤有全省咽喉之繫外控六詔內制諸
蠻拖長江發源於廳之上沙陀地方由西而北而漠

黔之界判然此雲南宣威州屬與廳之分界也清水河自北而東與拖長江會於廳之北境爲毛口渡實盤江之上游則永甯州屬與廳之分界也庚戌河發源於廳之北境迤邐而東而南則又普安縣屬與廳之分界也其廳之西境與滇省羅平平彝接壤之處如濫木橋架草山一帶地方荒僻尤易藏奸道光二三年間滇省之宜良路南等州縣疊被搶劫大案盜首悉窩是處其明驗也而且自滇入境之首站爲亦資孔驛居廳之西今分駐巡檢一員兼管驛務其大

道迤邐曲折經廳之北境而東曰上寨曰劉官屯皆
廳之驛站也越普安縣北境曰白沙地係廳屬之插
花而驛則普安縣借地以設者也由此而東北行爲
安南縣之阿都田則又從前廳屬之地設站後割歸
安南管轄者也上下三百餘里之衝途圍繞於廳之
西北東三面洵全省之門戶而興郡之藩籬也

黔南
職方

識
略

乾隆六年分定界址廳屬之威舍寨與平彝縣黃泥
河接壤以黃泥河大橋爲界廳屬之永安鋪等處與

平彝縣石灰窯十字路接壤以滇南勝境爲界廳南
反科上下壩魯底等處與滇省平彝縣屬偏巖羊砦
接壤以長嶺壩河爲界東南法巖了溪魯布草江底
等處

今歸興義縣

與滇省羅平州接壤以清水江爲界廳

屬正西土城張溪屯等處與宣威州木宗寨等處接

壤以拖長江爲界廳屬西北百萬寨越江插入宣威

州魯衣卡等處宣威州屬樂莫庄越江插入色腳凹

寨廳屬正西米洛猗蘭江浪河等處與霑益州洛冲

那杓等處接壤以偏石巖布卡口爲界廳屬中屯嘉

禾等處與雷益州法凹印租等寨接壤以偏頭蒲草

山中古石碑爲界

舊志

附插花地界

普安廳插入安南縣地界

羅王二寨係普安廳插入安南縣距縣城一百五十里距廳城一百八十里

魯打板戛係普安廳插入普安安南二縣距縣城一百四十里距廳城一百七十里

普安廳插入普安縣地界

高武馬乃係普安廳插入普安縣距縣城一百二十里距廳城二百里

鷓鴣園係普安廳插入普安縣距縣城一百八十里距廳城二百四十里

興義縣插入普安廳地界

羊屯係興義縣插入普安廳距縣城一百里距廳城一百九十里

安南縣插入普安廳地界

大小紅寨羊寨阿螂勇寨補打半坡龍頭寨得志坡

此八處均係安南縣插入普安廳距縣城一百三十里距廳城一百五十里

三冲係安南縣插入普安廳距縣城三十里距廳城一百七十里

羊岐山黑城係安南縣插入普安廳距縣城三十里距廳城二百二十里

下半街係安南縣插入普安廳距縣城三十里距廳城二百里

百寨係安南縣插入普安廳距縣城一百六十里距

廳城一百二十里

普安縣插入普安廳地界

木籠長牛係普安縣插入普安廳距縣城一百二十里距廳城二百里

太平頭凹子頭明寨包包上魯達此五處係普安縣插入普安廳距縣城一百里距廳城一百四十里

龍場係普安縣插入普安廳距縣城九十里距廳城一百三十里

第八甲係普安縣插入普安廳距縣城一百二十里

距廳城一百八十里

中銀廠係普安縣插入普安廳距縣城八十里距廳城一百五十里

濫潭故古猱黑打長四輪碑此五處係普安縣插入普安廳距縣城一百八十里距廳城二百里

關睢六寨係普安縣插入普安廳距縣城一百九十里距廳城一百一十里

地瓜坡係普安縣插入普安廳距縣城三十里距廳城一百二十里

附形勝

蠻夷襟喉雲貴川廣之交

明一統志

當雲貴之襟喉達川廣之聲援據險立城控阨蠻夷

實爲要害

方輿紀要

據險立城外控六詔內制諸蠻

通志

扼滇黔之要害達川廣之聲援據險立城足資控制

黔南
識略

環山抱水西高東南北下左水自西北流入紅江右

水自西南流入紅江山隨水轉觀水知山

舊志

東渡毛口逾老鷹巖或逾斗郎箐天險莫測一夫當

關萬夫莫敵

舊志

過盤江有鐵鎖橋握要地

舊志

廳與平彝縣接界處有關額曰滇南勝境山勢峭絕

東西鎖鑰關隘要地

舊志

安訓導爲興義縣訓導十四年升普安州爲直隸州
以興義縣隸焉自是廳境不復隸興義府矣十六年
改普安直隸州爲普安直隸廳改興義縣仍屬興義
府以縣距廳遠距府近也今仍之



晉安直隸廳志卷之三

地理

山水

鳳凰山廳鎮山也下爲廳署山自滇宣威迤邐而入
由猗蘭繞平彝東逾分水嶺北折九垓拔起結廳治
卧牛山在廳署右側

筆架山在廳治東廳署案山也

貴人捧誥山在文廟東

番納牟山即雲南坡在廳治北

音之屢示
卷之三
和合山在城西北五里婉然如雙髻廳人於此卜陰
晴恒不爽

目前山在城北六里有丹巖翠石水出洞中山下有
蝦跳井形如蟾蜍

丹霞山在城南三十里孤峰接漢時有霞氣作鸞鶴
形乾隆二十三年雷擊石壁作天北丹山四字大如
碗同治壬戌秋城破村民避難山寺回匪相率遊山
意不良甫至半山二回爲雷所擊并馬斃焉其黨懼
而反

得都山在城南四十里又名白巖數幅翠屏如李營
正金碧圖明一統志謂四百餘里非

楊那山在城南一百六十里

瑞峙山在城南二十里狀如菌而平頂

黨壁山廳西南二百里四山環繞東南一箐外狹中
廣可容數百家夏月土人遷此避暑又名躲瘴山明
一統志謂離城二百七十里非

石官山在城東南一百里山半平曠有石人坐焉石
人前有石如俯者督者處者立者拱者若侍貴人狀

故曰石官

紗帽山在城南三十里形似紗帽故名岡巒相屬一峰特起石竅玲瓏皆鐘乳結成惟後瘠稍斜略可登攀而上

獨山在媽依河城南九十里山形如鰻首屹然獨立旁無附麗四畔皆沙土沙質鬆浮不能留足咸豐十一年黃會李正洪上竄據播政賊黨朱小甲廖滿十嚴老三等分據此山甲子三月傳遊戎得勝駐兵山下日夜攻擊賊窮蹙乃降

螺山在南里吳官屯去城二十五里頭大尾小宛如
田螺上有關帝廟文昌宮里人祝牟李沈四姓
建爲子弟肄業之所陳崑山攻城賊時屯糧廟中迨
練營覆沒廟遂爲逆所毀頻年籌款重修猶未復舊
搖動山在城南三榜子孤峰突立相傳丹山寺先建
於瑞寺山繼改建於此甫下基而山簸搖不已乃卜
建於丹霞山

新城山在城南明末鄉人避兵處也順治四年三月
孫可望攻陷普安旋至粃粃舖見山屯防守嚴密不

攻而去

鷓鴣擺擺山久晴則山吼而雨久雨則山吼而晴屢試不爽山後一山附於背鄉人呼爲負兒山祈子多驗又呼爲娘娘山

飛鳳山在城南七十里古木陰翳多異禽山巔雲霧可卜陰晴

白公山在城南七十里相傳順治初明將白文選迎桂王入滇駐軍於此因以名山

背兒山在城南七十里扯黑冲高插霄漢遠望若人

形一小石山立其後如襁負者然

公雞頭山在城南螳螂形類雞冠

八部山在城北五十里九峯橫列如九疑中有泉界之而注於壑

八納山在城北百里九家村淤泥河皆其山腳高三十里許周圍百餘里上平窈然而深旁有小石點綴之有龍泉九匯爲大池泉聲樹色煙嵐掩映山高可觀日出東望雲南曲靖府北望水城扒山箐如在目前舊志謂人迹罕到今已建寺游人絡繹矣

尾洒山城北一百六十里高出群山苗言尾洒猶漢言水下也

廣午山在城北九十里林木鬱茂下有小溪

羅磨塢山在城北一百八十里四面峭壁惟一徑可上前明時上有寨今無盤江繞焉

石象山在城北二十里上多石碗碗蝓蝓如象之垂鼻而孕子也

白塊山在城北四十里上有古廟頗著靈異同治間有污穢神案者立時雷震擊斃並五牛三豕

龍角山在城北五十里之孫官屯嘗有瑞雲見於其上
山麓一洞石漿凝結作獅象馬鹿諸狀清泉甘美
同治間里人築營其上以避寇百里之遠一覽可盡
鸚鵡山在城東北四十里亦名鸚哥嘴有寺

崧巋山在城東北七十里虬松翠竹蒼秀可愛巔有
招提在昔樓閣參差爲新路名勝之最今尙待修
盤江山在城東北一百八十里

黑山發脉於猗蘭山至羅冲突起一峰橫開兩嶂二
百餘里東至土城南至鍋鉛廠每當興雲吐霧氣象

萬千廳城之祖山也山色如墨巔有龍潭幽深莫測
周圍百餘丈真神龍所都也潭水澄澈落葉潭中鳥
即啣出每大旱遠近村農祈禱絡繹應時澍雨

掌山形似人掌王官屯發脉於此過峽處坡阜迴合
若斷若連同治丁卯大雨山崩屯遂衰弱

巖霧山在大坡舖有龍潭鄉人祀雹神於此

戰馬山在華家屯

太陽山在華家屯

老桂山在華家屯

三礮山在華家屯三峯排列尖如小礮故名

五獅山在華家屯三礮山在左右低昂不一形象宛肖

香羅山在平彝里西五里上平如芝菌形下圓如鐘銑形舊平彝縣也

翠屏山在平彝里東五里隱然如翡翠帷翠幃楊子雲謂翠氣宛延紅采流離者有之

香爐山在平彝里山後卽滇南勝境

猗蘭山在平彝里從滇省宣威州發脉至分堆跌落

平地即平彝縣界也日月護峽廳城之祖山

蓮心山平彝里之鎮山也一山特立眾峰繞之如蓮瓣羣攢故名

靜亭山在平彝里舊有寺曰靜亭寺道光二十三年山水暴漲寸椽片瓦皆爲洪濤湧去

寶塔山上建七層塔在亦資孔歲旱祈雨即應

太極山在亦資孔前人建魁閣於上今毀

丹鳳山在亦資孔山巔有洞回變時鄉人據以拒賊舊有元真觀今毀

格孤山即故山在樂民里西南二十里峯巒簇簇
登臨眺望俯視諸山如培塿然

戛牛山在城西南九十里舊樂民所基三面峭壁惟
東隅可登所城在其上戛一作夾

棋盤山在樂民里南八里一峯聳拔勢欲干霄巔有
元真觀今毀

掛榜山在樂民里北五里峭壁平直若列榜然

團山在樂民里東南水口沈約所謂孤圓者是也上
建文昌閣

肇普山離樂民里二三里里之祖山也

雲台山在樂民里

朝陽山在樂民里芝花甲與雲台山對峙山腰一洞豁開直通山後穿心洞里中赴滇者咸取道焉又一洞名象眼洞蓋以形似名之也相傳乾隆間棋盤山元真觀火殿樑飛墮山巔因建廟其上

大營盤山在樂民里相傳前黃將軍駐營此山下爲黃家營

磨盤山在樂民里芝花甲圓同磨盤佳樹青蔥幽覽

可人山麓大路通鍋鉛廠

眺高山樂民里鎮山體圓而高瞻眺極遠可望丹霞諸峯

打鼓山在樂民里三岔甲

大凹山在樂民里三岔甲往歲回亂鄉民築屯拒守今建有關帝廟

金兜山在樂民里甲普彝甲高聳如轎頂

大竹山在樂民里普彝甲上有龍潭祈雨多應山甚高登之可望廳城

犁尖山在城西南狗場管突起一峯頂圓一石屹立
高丈許濶三四尺中嵌鐵犁一重可八九斤每天旱
擊犁則雨下應驗不爽殆仙蹟也回逆跳梁時居民
築屯其上屢被圍困卒未失事

平頭山在狗場營

文峰山在狗場營

雙鎖山在狗場營高千仞險峻異常宋時有夷婦據
山爲寇今營埂尙存

阿勒山在馬腳色下有一巖與人聲相應名應聲巖

又有一洞常聞音樂之聲

關口嶺在城西南三十里嶺勢延袤路通宣旬

分水嶺在城南七十里左右二水源僅一線相去不及丈左右分流路出其中流二百餘里復合而入深溪河里民戲導左水入右水明晨視之左水低舊源尺許始見仍左流而舊源遂隱導右入左亦然

長擺嶺在老紙廠鄉團築營禦回匪處

滑竹嶺在歸順營亦橫亘數十里

長山嶺在樂民里南十里綿亘三十餘里滇黔以此

分界嶺上有大路

九峯嶺在城北六十里山峻起林木陰翳下有寺

象鼻嶺在下南里

打蜂巖在城南三十里舊有蜂窠產蜜極旺

小白巖在城南五十里壁立千仞上有石洞可容二
三百人回變時居民依以避亂

馬弔巖在南里木龍溪邊石痕斑駁儼然一馬立峭
壁間狀極神駿

白石巖在城南三十五里四面壁立儼類玉屏日光

照射竟體晶瑩如冰綃之被玉肌山上碓磨猶存蓋
前朝夷砦也

老鷹巖在城東百餘里入滇孔道也高十里山腰有
五里亭設汛防守凡十餘盤捫參厯斗乃抵其巔飛
泉百道嘉木千尋虎躩龍拏往往而有其中平曠者
數里有良田美舍桑麻竹木之屬

紅巖在城西南七十里南冲河樂民里河交會處
獅子巖在華家屯

骨石巖在華家屯

老牛巖在華家屯

萬卷書巖在華家屯石紋層疊如玉軸牙籤森列鄴架相傳石落則兆科名

森松均在南里吳官屯歧路之中忽生此松一本三幹高出儼如森字蔭流半畝往來者恆倚樹而息

縑雲均在城南八十里播政九領岡之麓兩山對峙一坳中開每當晴雲擘絮微風漾之如縑絲然

虎口關在南里郭官屯里人黃姓築屯禦回逆處

新營屯在南里水塘一山獨立旁無附麗明末孫可

望屠普安城民築屯於上以避之

三望坪在城東南七十里之三板橋

十里坪在城南六十里赴興義府大道

大關口在南里里人築屯禦回逆處

哇凹口在南里九垓樂民里人築屯禦回逆處

冷風口在歸順營兩山對峙一線遙通下臨噠喇河

獅子口在城北五里廳城通省新路

猴跳石在歸順營去城五十里通興義縣大道

拳石在南里郭官屯去城三十里半坡之上獨嵌一

石上大而下削高六七十丈里人黃德蘭築屯於此
白蓮石去城十里亂石之中一白石挺然獨立前人
書白蓮二字於上去地丈餘字大盈尺

白巖石在南里前所屯懸巖千仞自麓至巔石紋疊
疊仿佛書堆

鸚哥嘴在城東七十里舊驛道所經也道左一石粗
具禽形好事者就鑿爲鸚鵡極肖里許有鸚鵡寺

永安屯在王官屯山頂逆回之變舉屯避難於此隱
隱有紅旗出視賊不敢逼

三十里箐入興義府間道昔長三十里今長十餘里
箐口狹若微行然蔭以茂樹枝柯交加杳不見陽寒
人肌骨百鳥翩翩群獸駘駘中產芝菌蒲筍之屬
斗郎箐在城東北百二十里烈當驛西山勢崢嶸萬
木陰森新開驛路此爲險峻

水斛箐在城南三十里箐亞於三十里箐

獼猴井在南鄉二道箐距城四十里山無名以井爲
名形圓而長孤峰凌虛惟一徑可上咸豐末鄉人建
屯於其巔以避賊癸亥春廳城尙爲賊守屯中丁練

隨陳崑山攻城逆回怒率眾來攻堅守獲全

歸順箐離城百三十里箐不遠入黃草壩路長十餘里在大山中多竹

金箕坑在城南三萬底眾山環合中虛若空坑阱旁一石山拔地特起高可百仞頂平而凹山半一巖曰偏巖清水一泓夏不溢冬不涸居民相戒不可投以石投則立致雨雹

北盤江即古牂牁江源出威甯州西界山源泉凡七十七處俱匯於一溪非冬日水涸不能見也東南流

經畢節爲七星關河又南繞雲南霑益州復流入貴
州水城廳經廳境羅磨塔山又東南流經安南縣東
北界拖長江自西來注之下流爲毛口河河之東爲
卽岱廳境河之西則廳境也又東南流經安南縣東

界馬別河自東北來注之江之東北爲永甯州界東
爲歸化廳界江之西北爲廳境有鐵索橋治鐵爲之
舊滇黔孔道也又東南流經永甯州之募役司至貴

豐州名清水江以與紅水江對言也

南盤江水紅故
名紅水江北盤

清潑故名
清水江

下流至者香會南盤江趨百層河入粵西

經柳州府之賓州至潯州會左江經梧州城西會

江經封川肇慶番禺而後入海自百層河而上崖壁

阨東林木深阻灘瀨獷惡嵐瘴薰蒸人迹罕至自百

層河而下岸濶水深一葦之杭可達番禺歷代商人

之賈於黔者皆道百色廳經興義郡而後至廳境諸

處咸豐中回變黔粵貿易始致集於百層河近百層

河貿易尤盛兩粵滇黔人浮舟上下便且近原委分

明唐蒙之策誠非鑿空後人自壅於聞見耳舊志謂

盤江流入石穴昔人削竹片數百投穴中從廣西泗

城府流出各書率謂廣西奉議州之左江爲盤江下
流耳食之談庸有信乎

拖長江在城西北七十里源出沙陀清水河通盤江
木龍河源出南里懸巖飛瀑汨節而下灌溉賴焉北
流自南板橋會豐洞河入毛口

豬場河在城北三十里源出孔官河東流至鸚哥嘴
合豐洞河庚戌橋入毛口

亦資孔河源出魯尾舖北流至亦資城東入山

西堡河源出分水嶺北流至東河入山出黃龍洞入

清水河

南冲河在樂民里北十五里源二出陀羅一出毛榮會三岔河入撒底河

上灞河在樂民里東南八里源出樓下營之魯底東北流至威清入撒里河

三岔河在樂民里北十里源積諸溪至三岔成河東行繞南至獨木橋入撒底河

雞場河在樂民里源出本里西南北流至團山會三岔河入撒底河

撒底河在樂民里西南十里源出撒底龍潭東流至樂民會諸水越三岔河合南冲水入山五里出陽障南流爲黃泥河東入三江

清水河在城西八十里源出上沙陀嘯天龍其水白石縫中湧高數尺而出東北流十餘里澄清可鑒歷拖長江過歸集河爲毛口之源

所河在平彝所西一里源出猗蘭東南流過下壩七十里匯平彝縣塊菜河東流入三江

者卜河在城東南百八十里源出楊那山流經安南

衛境下流入盤江

輓橋河在城東三十五里上接廳南三十餘里之大水橋流入盤江

南板橋在城東南八十里上接廳南三十餘里之大水橋流入盤江

樓下河在下南里

淤泥河在北里

三一溪其源有三一出拔山箐一出紅豆冲一出獅子口皆會於城東爲廳城帶水南流入碧雲洞穿山

腹而行過較場

由洞口入二三里一大較場在焉寬廣數里演武廳燈采華表咸備乃

逆流緣山壁而上天下之水無有不下茲水獨湧而上亦宇宙未有之奇也又五六里出風洞河風洞高碧雲洞低自風洞而下經陳溪屯上寨百里許復入落潘山伏流入十里出明寨明寨地勢高峻亂石森列水至此奔騰直瀉浪駭濤翻如十萬軍聲響震數里外下流至墮竹入盤江

深溪在城南一百二十里流經黃草壩入烏汎江碧雲洞在城南三里外狹內寬有一石隙激景入照

中有石田石瓜石獅象石龍鱗甲宛然再入有仙人奕棋較場諸勝明一統志稱爲普安第一奇觀不虛也

玉陽洞在城南二里上有塔

大洞在城南六十里之十里坪懸巖峭拔間一洞中開可二三十丈光明宏濶無幽闇之苦地平坦中建佛寺三間由寺旁盤曲而上一石乳高聳而頂平上建觀音閣折而下石壁迫束側身蟬行則大洞在焉再入仍狹愈入愈狹亦愈曲里許達後洞洞口小且

險不可攀躋一夫守之千人坐廢嘉慶二年苗警暨同治間回變里人於洞門建石牆決水灌田汪洋一片遠近咸走避於此全活無算因名保全洞

涼風洞在城南三十里風自洞中出盛夏過之亦肌膚起粟不撫團扇自有餘涼

巖風洞在城南七十里上坎者洞門高廠廣十餘畝石樓二重咸同間賊亂居人避難其中

地巖洞在城南金鐘山後一石倒垂去地尺許擊之作鐘磬聲

龍洞在魯土營東三里洞內有石龍二互相盤繞鱗甲燦灼古稱龍洞仙跡

仙人洞在狗場營洞高而深內有石溝渠阡陌行列分明確磨畢具

穿心洞在樂民里天生橋上峭壁中露一竅懸崖怪石爲入滇大道

雲台山洞在樂民里回亂時黃家營村民匿洞中築垣拒守

八畝洞去掌山三里許古峭玲瓏八畝河水出其中

清濁不常或壅塞不流俗傳洞有犀想當然也

响水洞在城南一百二十里源出樂民里至天生橋穿山腹行入洞觸石聲聞數里約半里經青水塘湯章楊橋下流入巴茅河

梅花洞在亦資孔

香山洞在平彝里頂懸石鐘平地起石蓮台一座里人因塑觀音像於台上洞口有玉皇閣爲入滇大道往來文人多有題詠

白雲洞在平彝里內有佛像千仞懸巖現白雲洞三

大字不知何人留題或以爲仙跡非是旁有雙乳巖
曲肖婦乳

二姐洞在平彝里有石柱石龍抱之洞門石壁綺錯
儼若結彩

黃龍洞在平彝里新橋河洞中怪石參差不可名狀
水井洞在城西北六十里兩山夾谿一徑側入洞口
高數尺石漿下滴結燈綵鈴鐸諸形青紅相間天然
采飾洞平坦奇石錯落犧尊鐘磬之屬皆具再進則
一隴突起俗呼爲龍門燭之有蓮花燈古致可喜踰

龍門而上龍池在焉晶瑩如鏡冷逼毛髮一柱中立
二龍繞之鬚鱗可數池旁深黑不可窮近歲遊人頗
眾半爲頑童搥毀殆亦斯洞之厄運歟

龍洞塘在廳南八里一涸洺也積水泐然澄清可鑒
毛髮有時鞞紋微蹙形如綠沉

東乙塘在平彝里東五里水深無底不渴不流中有
水犀人往往見之

山口塘在亦資孔後里許寬廣數畝淵深莫測

洗心泉在本城東嶽廟左色清而甘明孝子盛全爲

母病禱於東嶽廟以此泉洗心云

普濟泉在城西門地勢高四時不涸

漱石泉在大威寺

香乳泉在城北六十里南車橋西半坡水味清甘

溫泉在樂民里西三里自石中流出溫暖清冽甲於
他處樹色水聲無不可人

官井在城內廳署左側

龍井在華家屯西冲橋水自地噴出累累如珠

大龍井在掌山前二里許井出山腰周圍圓數十丈四

時不涸極清漣里人雜植荷花菖蒲頗足遊玩

小龍井在王官屯梅子溝井時清時濁每清水騰沸
若湧珍珠紛紛迸散

仙人擋壩在銅厰坡腳雨水交滙處淤泥河上流也
水猛迅勢如萬馬奔嘶一巨石長數丈橫鎖中流層
級分明狀類堰壩故名壩下百餘步圓石一座湧出
波心圍圓丈許石面平坦正中作太極圖形圖外環
作八卦形排列勻齊無參差出入鄉人呼爲仙人羅

盤

附橋梁

復興橋

廳東關外

迎恩橋

廳北關外

斷橋

廳北關外

北門橋

廳北關外

南關橋

廳南關外

鐵鎖橋前任普安牧朱家民創建見鐵鎖橋記茲不

錄後燬於寇

國朝順治十六年經略洪承疇總督

趙廷臣巡撫卞三元重修康熙十九年賊又燬二十

三年總督蔡敏榮巡撫楊雍建會題重建今開新驛
路由毛口渡而學政按臨興郡及小商往來仍多渡
此橋爲普安廳安南縣永甯州三屬管理南屬普安
廳安南縣北屬永甯州大修請帑小修三屬派捐
庚戌橋廳北六十里雍正間改修新路少保鄂爾泰
建有記載藝文

南壩橋在城南三十五里

余家橋在城南三十里

天香橋在城南二十六里光緒十一年建

青安屬志 卷之三
三榜子橋在城南丹霞山僧人建

松樹灣橋在城南二十五里城中項氏建

大庄橋在城東南二十五里

頭壩橋在城南十五里城中項氏建

雙合橋在城南深溪河道光中里人隴全建費千餘
金橋高而長遠望之儼然垂虹之下飲於溪也

楊橋在南里遇半陰半晴則遊魚群躍居民編竹承
之得魚無算

牌坊橋昔屬木橋今易以石里人張姓建

永新橋在王官屯舊有民興橋道光甲午圯於水光
緒六年里人龍開榜建去舊橋五丈費銀數百金

同善橋在下沙陀

家鄉橋在大坡堡

樂成橋在華家屯

西冲橋在華家屯

復興橋在華家屯

三空橋在亦資孔干總習文藻建道光間眾姓復修
天生橋在城東十五里兩石中立上聯下空木龍水

豐河迤邐而來同會於此而出爲城鄉鎮水口之橋



普安直隸廳志卷之四

地理

郵傳

劉官屯驛在治北八里乾隆十八年改歸廳管

亦資孔驛在治西七十里乾隆二十一年改歸廳管

上寨驛在治東北七十里乾隆二十一年改歸廳管

按舊有湘滿驛在廳城輓橋驛在城北四十里雍正

正六年改新路裁本城湘滿驛移輓橋驛于劉官

屯設劉官屯驛江西坡驛向屬普安縣移楊松設

楊松驛改隸普安州乾隆十七年開老鷹巖新驛
路移楊松驛于上寨設上寨驛十八年劉官屯裁
驛丞二十一年裁上寨驛丞以亦資孔驛丞兼管
巡檢事

舊制驛站領支每驛額馬五十匹馬夫二十五名每
季請領銀四百七十九兩一錢零每站站夫一百名
每名日給工食銀四分每站每季共領銀三百六十
兩零

按自軍興後夫馬領支均未復額光緒二年復設

驛號三驛共發馬四十四匹馬夫六十名站夫九十
名三年奉文添馬十四匹十三年奉文添馬十五
匹現在三驛每驛實馬二十三匹馬夫二十名站
夫三十名每月共請領實銀五百五十兩零

郵舖

劉官屯舖十里至豬場河舖十里至舊營舖十里至
楊松舖十里至茶亭舖十五里至上寨舖此由東北
赴省大路也由劉官屯二十里至大山凹舖十五里
至海子舖十五里至大坡舖十里至蛾螂舖十里至

亦資孔舖十里至魯尾舖二十里至永安舖此由西
入滇大路也

晉安直隸廳志卷之四

地理

風俗

正月元旦焚香燭肅衣冠拜天地祖先父母餘日親朋
往來拜謁至必款留上九後數日夜張燈火陳百戲
慶元宵農初舉趾童子入學

立春先一日扮小優人爲仙童綵女盛飾之立鉄架
上輿夫抬之導以鼓吹綵仗在官輿之前往東方迎
春徧遊街市謂之高妝至立春日鞭土牛謂之打春

二月三日祀文昌童穉放風箏爲樂里社建清譙祈穀
儻製龍舟以驅逐瘟疫

三月清明掃墓以白紙作錢掛之子孫多者白如積雪
四月蠶豆熟收嬰粟膏穫麥插秧農無閑日

五月五日治角黍采艾掛蒲飲雄黃酒以避瘟疫十三
日祀關帝曰單刀會

六月六日穫菽曝書曬衣祀青苗穀神殺草儲糞

七月七日記魁星童穉以鳳仙搗爛染指甲婦女陳瓜
果香花供牛郎織女於月下以針穿之謂之乞巧十

五日爲中元節士庶家各祭先祖浮屠氏設盂蘭會
濟孤

八月十五日民間以果餅相遺置酒賞月以此夜卜元
宵晴雨又於是夜以紅綾裹冬瓜置綵亭中鼓樂儀
仗送少子之家取瓜綿之兆謂之送瓜

九月重九登高佩茱萸食米糕醉菊釀種嬰粟蠶豆及
麥是日釀酒謂之重陽酒香味尤佳

十月朔日土人祀牛王食牛以饊糕卽以其餘掛之角
上初一至初十祭掃墳墓與清明同

十一月芸粟平治道塗鋤草萊糞田疇

十二月俗呼臘月臘者獵也取獸以祀其先八日煮粥以諸味雜其中謂之臘八粥二十三日婦女薦具餅糖食祀竈俗云送竈神上天餘日屠羊豕治酒醴速賓親曰年酒除夕剪綵紙作錢遍貼門戶換桃符貼春聯是夜祀竈曰接竈拜天地祖宗及尊長輩曰辭年爆竹喧天燈火輝煌恆徹夜不寐焉

普安直隸廳志卷之四

地理

苗蠻

羅羅俗呼爲羅鬼上游郡縣多其族類有沙姓謝姓
安姓隴姓隆姓分三種一曰剛夷最賤世爲臣僕白
夷次之世爲把目黑夷卽烏蠻最貴世爲酋長

僰人居魯土斂基狗場三處蓋大理王段氏蒙氏之
遺故其族多段李趙三姓能言狃家羅羅言語服色
與漢人同有讀書應試者自爲婚姻性頗狡較羅羅

狝家爲甚

狝家有三種一曰卜龍二曰克尤三曰青狝相傳楚王馬殷自邕管遷來然在普安者無此三種漢人久處於此往往流爲狝家如黃姓本漢人子姓四五百家今皆狝家矣舊志謂狝家風俗大約與交趾同語音亦復相類狝呼水曰軟交趾呼水曰染狝呼火曰爲交趾呼火曰肥軟染爲肥相去不遠考狝家言語與獞家相近其先本自粵西來意黔之狝卽粵之獞也

狝家中有一花狝家曰花苗又曰花夷居狗場響水屯
諸處狝家用純花狝家則雜色相絢以海肥爲首飾
海肥者貝也青紵裹頭亦以花飾之裙施采繡五色
斑然用純者貴用雜者賤百世不通婚姻

爨蠻楚令尹子文之後

見爨使君碑

六朝時爨氏最强雄

長諸部時人呼爲爨蠻蓋以其族氏名之所部皆夷
人非別有所謂爨蠻也

五
月
示

先
不
口



附方言

羅羅語

天曰母日曰甯其月曰阿不星曰斤兒風曰米嚙雲
曰倭卓雨曰母呼雪曰污雷曰母草露曰至霜曰呢
雹曰魯呼冰曰渦泥

地曰彌山曰不勒水曰亦甲凡溪澗皆曰亦甲田曰

得

作平聲讀

房曰兒

用喉音

井曰宜都石曰落莫樓曰納麓

橋曰扎

人曰祖皇帝曰厄母大人曰沙祖普安州曰塞着學

師曰摩哥捕廳曰嗎哩母父曰爹母曰阿納兄曰阿

摸弟曰哥低姊曰阿訥妹亦曰哥低子曰肉作平聲讀女

曰阿墨孫曰息孫女曰息阿墨師傅曰蘇麼

拜年曰斬呼祭祀曰鋪皮根請客曰灣側娶親曰欺

克嫁女曰阿墨欺有子曰於鉢有女曰阿墨育織布

曰撲字耕田曰反作平聲讀葛結訟曰發可得

金曰施兒木曰洗爾水曰亦甲火曰水都土曰泥母

青曰納紅曰涅黃曰奢白曰出藍曰咳紫曰呢納

喜曰辣恕曰泥恕哀曰額作平聲樂亦曰辣

梅曰薩草尾桃曰薩勿尾李曰薩菊尾

凡讀花爲尾

核桃

曰薩綿栗曰宅平聲柳曰呢

頭曰五

作鼻音

耳曰樂波眼曰那

去聲

都口曰涅波眉曰

那波頸曰下入鬚曰泥七乳曰八入曾曰你都肚曰

亞巴心曰你腸曰無肺曰次肝曰塞手曰辣尼曰夾

跋

布曰濮緞曰叵錦曰叵佳

佳字作家字讀

鞋曰琴帶曰竹是

耳鬢曰奴則甬前珠曰逐木

打仗曰麻吉弓曰娜弩曰茄箭曰弩刀曰霞鎗曰杵

砲曰杵

金曰除錢曰止知戩曰羅秤曰雞升曰施斗曰得

飲酒曰旨多殺雞曰呀呼

倒讀呀爲呀呼爲殺

爲黍曰續臙

牛曰呢羊曰禾

用鼻出氣讀

狗曰溪猪曰挖貓曰阿必鼠

曰哈虎曰駱豹曰亦鹿曰活獬狼曰物野穀曰赤菽

曰姑鴈麥曰食米小米曰策芋頭曰難苞粟曰烏母

蘇稗曰阿鼈

皇帝好曰厄母的官好曰祖莫的老者曰速莫少年
曰奔兒沙女之美曰忌男之好漢仗曰腳踏住老有

德曰速莫助

夔語

天曰與日曰溼月曰蛙星曰星風曰拍蟬雲曰允雨
曰微雪曰雪露曰露霜曰深雹曰卓僕

地曰低山曰賒水需田曰批底房曰火井曰需都石
曰卓落樓曰勒橋曰古

人曰宜格皇帝曰無對大人曰大人父曰波母曰摸
兄曰阿雍弟曰阿帖姊曰阿薺妹曰牛忒子曰阿孛
女曰阿牛孫曰阿沙孫女曰牛沙

春曰春興夏秋冬俱漢語

水曰西火曰灰土曰捏氣

青曰青紅曰賒白拍黑紫曰鍋塞

怒曰悶躁笑曰肅

米曰昧穀曰蘇麥曰薏麥苡曰姑

虎曰猓豹曰紉牛曰額野牛曰野額馬曰墨羊曰藥

猪曰忒貓曰阿彌子鼠曰舒

拜年曰百中祭祀曰姐娶妻曰丕西陂嫁女曰祝牛

生子曰疏孳生女曰疏牛

草曰芻花曰火平桃曰爹核桃曰五都栗曰阿宅

布曰巨緞曰以巨鞋曰眼帽曰多麼衣服曰衣通鬢

曰泥工髻曰吹

身曰痴草頭曰斗膊目曰昧草心口曰追頸曰假爹

鬚曰五手曰施足曰果心曰星腸曰不多肺曰披

鎗曰冲打仗曰接張

皇帝聖明曰無對養官明白曰官養天下太平曰興

曰太平年成豐熟曰草孳丕地養老人盛德曰古泥

底泥家男子好漢仗曰孳泥呼漢仗女色美曰牛泥

額里克結訟曰跌官司爭田曰爭丕地爭水曰爭需

狎家語

天曰溷地曰的

入聲

風曰輪雲曰霧雷曰霸雨曰溫乾

曰悶坤曰南日曰完月曰吞陰曰盆陽曰涼星曰帝

斗曰倒河曰達漢曰哈炎曰萬霧曰茂水曰滌雪曰

乃

平聲霰曰別

冰曰認霜曰逢皇帝曰鴻代父母曰


撥茂州主曰賽達兄曰彼弟曰媛姊曰彼囊妹曰媛

囊食飯曰更好早日更岩午曰更臨晚曰更殺鹽曰

孤米曰好三稻曰好稼菽曰好莧麥曰好舒酒曰

老飲酒曰更老薪曰墳

卷之二
今不



普安直隸廳志卷之四

地理

古蹟

廢平彝縣亦名平蠻縣以避桓溫文諱也縣在香羅

山下

營盤山在城

里相傳武侯駐師處

按武侯自瀘水渡入滇未經廳境此當是李恢及
關索馬忠等故壘或明傅友德沐英所立俱不可
知鄉人以武侯名謬相附會耳

平彝廢縣今在雲南平彝縣及廳屬平彝里地

附唐廢縣在今興義縣治而兼有廳南境地

盤水廢縣在廳東盤江上

羅山廢縣在廳西百里香羅山下即晉平彝縣故治所也

廢元普安路治在城東三十里八部山下

永山石梁二廢縣皆在廳西俱元置屬普安路明初始廢

征西營在廳北五里高麗舖相傳傅友德征西時結

營於此

按友德拜征南將軍此謂之征西當由雲南在廳之西故改稱征西歟俟考

新興廢站在城東七十里新盤山上

舊州治初建撒麻繼遷海子舖撒麻在今廳城北三十里海子在今廳城南踰筆架山即其地也

廢州治在城東七十里捧誥山下

萬松軒在東屯明吏部主事楊彝宅彝居東屯四顧皆松開軒其中扁曰萬松因自號萬松老沈勗有萬

松軒詩

樂矣園明沈勗宅勗闢樂矣園懷甃堂與主事楊彝
相倡和勗有樂矣園歌甚清麗

狗場營在城西南一百五十里舊遺營壘一座寬廣
二里中有兩小山壁壘高二丈有奇今雖倒塌過半
而遺趾宛然無碑碣不知建於何代

三萬底後山巔營堧屹然高丈餘嘉慶二年遊戎常
山壘土所築以拒苗匪者也歷今百年完固如昔

檀子嶺距丹霞山五里地極險峻中峯高聳圓頂左

右二小山環抱峙立如侍者形嘉慶二年南籠狎苗
蠢動突率萬餘人逾歸順營逼近楂子嶺并榛花嶺
駐紮意圖侵擾廳城南里九屯半人民分紮各隘堵
勦賊晝夜圍攻其勢岌岌至四月十五日賊營中忽
見我軍中有赤面神腳踏兩山大刀一揮賊即驚潰
里人汪乙丑偕蔣士高數人燃三礮將苗匪所紮茂
人長二丈餘者衝倒撲地即賊中稱爲仙姑仙爹者
也鄉丁乘勢掩殺賊衆大崩死者不可勝數適下坎
者張光國率鄉丁到遙爲聲援榛花嶺鄉丁亦夾擊

賊敗走回南籠不敢復犯廳境是役也南里父老以
爲神助眾議建關帝廟於山歲時祭祀故名此山
曰得勝營云

三

13.42

67